


TORITENY - ALAHADY faha-34 TSOTRA - TAONA D



***"Lazaiko marina aminao fa anio dia hihona
amiko any am-paradisa ianao".***

Ry Kristianina havana, amin'izao Alahady izao faha-34 mandavantaona, famaranana ny taona litorjika no ankalazan'ny Eglisy an'i Kristy Mpanjaka.

Fombatsika olombelona ny mifampiarahaba rehefa faran'ny taona satria nahavita namakivaky ny taona manontolo ary ity taona ity dia miavaka tokoa satria nosokafan'ny Papa tamin'ny 08 desambra 2015 ho taona masina ka faranana amin'izao andro hamaranana ny taona litorjika izao.

Vakiteny I : 2 Sam. 5, 1-3

Salamo : Sal. 121

Vakiteny II : Kôl. 1, 12-20

Evanjely : Lk. 23, 35-43

Ny tena manokana indrindra amin'izao taona masina famindrampo izao dia isika faly misaotra an'Andriamanitra fa afaka nanao pelerinajy noho ny nanomezan'ny Papa ny fahefahana hampisy ny varavarana masina amin'ny toerana misy katedraly rehetra ary azo lazaina aza amin'ny

toerana maro fa ankoatry ny varavarana'ny katedraly dia napetraky Papa ho an'ny eveka tsirairay eran'ny diosezy ny fanolorana ho an'ny vahoaka an'izay varavarana masina izay mba hanambarana fa misokatra ho atsika ny lanitra sy ny famindrampon'Andriamanitra.

Ireo izay nahavita ny dingana dimy :

- ny pelerinajy na fivahinhana masina izany hoe miala amin'ny toeana misy atsika ka mamonjy ny varavarana masina,
- ny fitsaohana ny sakramenta masina,
- ny sakamentan'ny fampihavanana amin'ny alalan'ny konfesy,
- ny fivavahana miaraka amin'ny Papa izany hoe ny "intention du Pape"
- ny fankalazana ny Eokaristia

Izany dingana dimy izany no nandraisantsika ny tsodrano mitafotafo sy ny indulgence plenièrre izany hoe ny famindrampon'Andriamanitra mitafotafo sy tsy misy fetra.

Tsy hoe magie izay na fanompoan-tsampy fa hanambarana ny fiombonana amin'izany famindrampon'Andriamanitra izany.

Raha mifampiarahaba isika amin'izao famaranana ny taona litorjika izao dia faly satria namakivaky ny taona masina famindrampo ka tonga amin'izao fankalazana an'i Kristy Mpanjaka izao.

Miarahaba atsikaolo araiky rehetra, ianareo fianakaviana, ianareo ao amin'ny kominaote, ianareo pretra rehetra sy ny eveka rehetra ary miarahaba koa an'ny Papa satria isaorana izy nanome an'izao hevitra lehibe izao dia ny taona masina famindrampo. Miarahaba atsika na Kristianina na tsy Kristianina, androm-pahasoavana ho atsika izao ary anatin'ny fankalazantsika koa an'i Kristy Mpanjaka, izy tokoa anie hanjaka eo amin'ny fainantsika.

Naorina eto amin'ny tanànantsika Antsiranana ny "chapelle ny famindrampo" mba ho hisy fon'Andriamanitra eto amintsika, eo amin'ny fianakaviantsika, eo amintsika tsirairay mba ho lavitra ny herisetra, ny hetraketraka, ny ady, ny fanapotehana ny hafa.

Raha misy fon'Andriamanitra amintsika dia lavitra ny fitiavantena, ny avonavona sy ny fialonana fa hampanjaka ny marina sy ny hitsiny ka hiadam-pinaritra isika. Masina ny taona raha misy an'Andriamanitra ary na dia mamarana ny taona masina aza isika dia tsy midika hoe famaranana izao fa dingana hirosoantsika amin'ny lalindalina kokoa izao fankalazana izao.

Raha atao amin'ny teny hafa izao famaranana izao dia maniraka atsika hampanjaka an'i Kristy eo amin'ny fainantsika. Izany no antonynofidianan'ny Papa ny andro fankalazana an'i Kristy Mpanjaka no famaranana ny taona masina dia ny mba hidirantsika amin'ny fainam-baovao misy an'i Kristy manjaka eo amin'ny fainantsika.

Mpanjaka tokoa i Kristy, io no fampianarana tiako antitraterina androany mba hahafantarantsika ny iraka miandry atsika aorian'ny fankalazana ny taona masina izao.

Ry Kristianina havana, ireo vakiteny aroson'ny Eglisy amintsika amin'izao andro fankalazana an'i Kristy Mpanjaka izao dia manambara amintsika ny ho tokony fainantsika.

Ao amin'ny Evanjely (*Lk. 23, 35-43*) dia manambara araka ilay fiekm-pinoana nataon'ilay jiolahy izay tsy nety ny fainany, nanao herisetra, nanapotika zavatra maro nef a niaiky izy fa Mpanjaka tokoa i Kristy ary nilaza hoe : "Tompo ô, tsarovy aho rehefa tonga amin'ny fanjakanao aho", fanambarana fibebahaha tanteraka izany satria nisy ny jiolahy hafa koa teo akaikin'i Jesoa nilaza na ireo jody naneso hoe "Raha ianao no Mpanjaka, vonjeo ny tenanao sy izahay".

Ilay jiolahy nibebaka kosa nilaza fa ny antsika dia rariny raha toa izao ny fiafarana satria fantany ny tsy mety nataony fa ny an'i Kristy kosa tsy mba nanao ratsy na inona na inona izy.

Io fibebahaha io dia noraisin'i Jesoa ary henontsika ny teniny manambara fa Mpanjaka izy ka nilaza tamin'ilay jiolahy : " Lazaiko marina aminao fa anio ihany dia hihaona amiko any am-paradisa ianao".

Raha i Kristy no manjaka amintsika dia paradisa ny fiainantsika ary izay no irintsika mianakavy. Raha mibebaka isika dia Andriamanitra no manjaka ao amintsika.

Maninona ny fiainantsika no mikorontandava, hetraketraka lava ?

Mbola tsy i Kristy no manjaka eo amin'ny fiaraha-monina misy atsika, na eo amin'ny fianakaviana na eo amintsika tsirairay.

Marina fa maro ny Kristianina mitondra ny anaran'i Kristy nefà indrisy mbola tsy izy no mitondra ny fiainantsika sy manjaka ao amintsika. Koa izany indrindra ry Kristianina havana, raha mankalaza an'i Kristy Mpanjaka isika, mamarana an'izao taona masina izao ary tsarovy fa masina ny taona raha misy an'Andriamanitra, raha i Kristy no eo anivontsika, raha miaraka aminy sy amin'ny alalany ary ao aminy no entintsika mivelona dia ho paradisa ny fiainantsika.

Izany koa ny niriny vahoaka tamin'ny andron'ny Davida Mpanjaka ambaran'ny vakiteny voalohany boky Samoela (*2 Sam. 5, 1-3*). Mbola hamafisiny sy ampianarin'i Md Paoly ao amin'ny vakiteny faharoa (*Kôl. 1, 12-20*), mba ho fanjakana mazava ny fanjakantsika raha i Kristy no manjaka.

Ahoana ary ny hampanjakantsika an'i Kristy eo amin'ny fiainantsika ?

Isika mananteraka ireo asa fiton'ny famindrampon'Andriamanitra araka ny fampianaran'i Papa Fransoa . Faniriko mafy dia mafy hoy izy ny andinihan'ny vahoaka Kristianina ireo asa ara-bâtana sy ara-panahy maneho ny famindrampon'Andriamanitra.

Raha ireo asa ireo tokoa no tanterahintsika dia mampanjaka an'i Kristy isika nefà fanjakana tsy araky ny fihevitr'izao tontolo izao dia ny manjaka anatin'ny herisetra sy ny fahefana.

Manana fahefana tokoa i Kristy fa tsy mamoritra fa fahefana manafaka ary amin'ny alalan'ny famindrampo no anehoan'Andriamanitra ny fahefany araky ny vavaka ao amin'ny Alahady faha-26 mandavantaona "*Ry olon'Andriamanitra, katsaho ny fahamarinana, ny fahazotoa-mivavaka, ny finoana, ny fitiavana, ny faharetana, ny fahalemem-panahy*"

Inona ary ireo ary asa ara-bâtana maneho ny famindrampon'Andriamanitra ?

-Ny manome hanina ireo mitofezaka ny hanoanana, manome sakafo ara-tsaina, ara-batana, maro ny noana amin'izao andro iainantsika izao. Raha manolotra sakafo mahavelona isika izany hoe miaina ao anatin'ny fahamarinana, faMpanjakana ny rariny sy ny hitsiny.

-Ny manome rano hosotroina an'izay mangetaheta : fantantsika fa maro ny mangetaheta fahamarinana, anjarantsika ny manome rano azy ireo. Raha manome rano isika dia maMpanjaka an'i Kristy fahamarinana

-Ny manafy an'izay mihanja tsy manankotafiana

-Ny mampiantrano ireo tsy manankialofana, mampiantrano vahiny

-Ny mitondra fanampiana ho an'ny marary

-Ny mitsidika ny voafonja

-Ny mandevina ny maty

Fanehoana fa manjaka ao amintsika tokoa i Kristy raha manatanterana ireo asa ara-batana hanehoana ny famindrampon'Andriamanitra ireo.

Misy ihany koa ny ara-panahy atao ho fanehoana ny famindrampon'Andriamanitra

- Ny manilo-tsaina an'ireo izay mbola misalasala

- Ny manala alahelo ny tra-pahoriana

- Ny mamela hadisoana ho an'ny hafa,

- Ny mizaka ampaharetana izay mahadikidiy anao

- Ny mangataka amin'Andriamanitra ho an'ny velona sy ny maty

Nanampy koa i Papa tamin'ny volana septambra ny mba hivavahantsika ho an'ny tranobe iombonantsika ity izay efa mitaraina efa mila ho faty.

Ireo ny asa famindrampo manambara fa mampanjaka an'i Kristy isika raha miaiky fa diso ka nanapotika an'ity trano iombonana ity ka miezaka ny mikolokolo azy ka mamafy fanantenana.

Manatanteraka ny asa fambolenkazo ary miezaka ny tsy hanapotehana an'izany, ny tevy ala na manapaka ny hazo tsy ara-drariny dia anisany manambara ny fa mampanjakana an'i Kristy satria natao hanjaka amin'ity tranobe iombonana ity isika rehetra.

Izay no iraka nataon'Andriamanitra amintsika ao amin'ny Jenezy dia ny mba hanjakantsika amin'ity tany ity ka ny fanjakana dia tsy amin'ny alalan'ny hevitr'izao tontolo izao fa hevitr'i KRISTY izany hoe fanompoana, tsy sampy fa fanompoana manao ny asa famindrampo, mikarakara sy mikolokolo.

Izay no famintinana ireo asa ara-batana fito sy ara-panahy fito izay maneho ny famindrampon'Andriamanitra ka mampanjaka an'i Kristy eo amin'ny fiainantsika.

Amin'izao famaranana ny taona masina famindrampo izao dia hifampiarahaba isika no hifampirary soa ka ny tena sarobidy dia ny hanohizantsika hampanjaka an'i Kristy ao ampontsika ao. Raha i Kristy no manjaka ao anatintsika tsirairay avy, ao anatin'ny fianakaviana Eglizy kely, eo anivon'ny fiaraha-monina, eo anivon'ny sekoly , eo amin'ny toerana fiasantsika sy ny toerana fialam-boly, raha i Kristy no manjaka eo amin'ny fiainantsika izany hoe mampitraotra ny finoana sy ny finoana andavanandro isika dia hiova tokoa ny fiainantsika ka anio ihany araka ny voalazan'i Jesoa tamin'ilay jiolahy nibebaka ny hiarahantsika aminy any am-paradisa.

Anio ihany tokoa ry Kristianina havana dia paradisa ny fiainantsika, ny eo anivon'ny fiaraha-monina misy atsika, ny eo amin'ny sekoly, ny toeram-piasana, ny eo amin'ny Eglizy iraka, Eglizy fiombonana, Eglizy fototra ary na dia ny fialambolintsika aza zary lasa paradisa ka hiadam-pinaritra ao amin'i Kristy isika. Amen